



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

21 հունիսի 2017 թվականի №268Ա
ք.Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ 2013 ԹՎԱԿԱՆԻ ԴԵԿՏԵՄԲԵՐԻ 25-Ի №469Ա ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հաշվի առնելով, որ՝

ա) 2017 թվականի հունիսի 2-ին «ԱՄԻՆՏԱՐ» սահմանափակ պատասխանատվությամբ ընկերությունը (այսուհետ՝ Ընկերություն) դիմել է Հայաստանի Հանրապետության հանրային ծառայությունները կարգավորող հանձնաժողով (այսուհետ՝ Հանձնաժողով)՝ խնդրելով երկարաձգել Հանձնաժողովի 2013 թվականի դեկտեմբերի 25-ի «ԱՄԻՆՏԱՐ» սահմանափակ պատասխանատվությամբ ընկերությանը «Չորագետ-4» փոքր հիդրոէլեկտրակայանում էլեկտրական էներգիայի (հզորության) արտադրության լիցենզիա տրամադրելու մասին» №469Ա որոշմամբ Ընկերությանը տրամադրված «Չորագետ-4» փոքր հիդրոէլեկտրակայանում էլեկտրական էներգիայի (հզորության) արտադրության №0529 լիցենզիայով (այսուհետ՝ №0529 լիցենզիա) ամրագրված կառուցման ժամանակահատվածը երեք տարի և վեց ամիս ժամկետով,

բ) համաձայն Ընկերության դիմումին կից ներկայացված «Չորագետ-4» փոքր հիդրոէլեկտրակայանում կատարված աշխատանքների ցանկի՝ իրականացվել են նախագծային որոշակի աշխատանքներ, հողային մասնակի չափազորումներ,

և հիմք ընդունելով «Էներգետիկայի մասին» Հայաստանի Հանրապետության օրենքի 30-րդ հոդվածի, «Իրավական ակտերի մասին» Հայաստանի Հանրապետության օրենքի 70-րդ հոդվածների 1-ին մասերը, Հանձնաժողովի 2013 թվականի նոյեմբերի 1-ի №374Ն որոշմամբ հաստատված կարգը, այդ թվում՝ կարգի №3 հավելվածի՝ երաշխիքների ներկայացման կարգի 8-րդ կետի 1-ին ենթակետը՝ Հանձնաժողովը որոշում է.

1. Երկարաձգել N°0529 լիցենզիայով ամրագրված կառուցման ժամանակահատվածը երեք տարի ժամկետով՝ Որոշման 2-րդ կետով հաստատված N°0529 լիցենզիայի պայմաններում «2017 թվականի հունիսի 25-ը» բառերը փոխարինելով «2020 թվականի հունիսի 25-ը» բառերով:
2. Ընկերությանը՝ N°0529 լիցենզիայի պայմանները չկատարելու պատճառով «Ձորագետ-4» փոքր հիդրոէլեկտրակայանի կառուցման ժամանակահատվածը երկարաձգելու համար, սույն որոշումն ուժի մեջ մտնելու պահից՝
 - 1) մեկամսյա ժամկետում «Արդշինինվեստբանկ» փակ բաժնետիրական ընկերության 2013 թվականի դեկտեմբերի 5-ի N°50-227 գրությամբ ներկայացված երաշխիքի համաձայն երաշխավորված յոթ միլիոն երեք հարյուր յոթանասունհինգ հազար դրամ գումարից երեք միլիոն վեց հարյուր ութսունյոթ հազար հինգ հարյուր դրամը 900005028130 հաշվեհամարով փոխանցել Հայաստանի Հանրապետության պետական բյուջե.
 - 2) քառասունհինգօրյա ժամկետում Հայաստանի Հանրապետության հանրային ծառայությունները կարգավորող հանձնաժողով ներկայացնել յոթ միլիոն երեք հարյուր յոթանասունհինգ հազար դրամ գումարի նոր երաշխիք՝ մինչև 2020 թվականի օգոստոսի 9-ը գործողության ժամկետով:
3. Ուժը կորցրած ճանաչել N°0529 լիցենզիայի 9-րդ կետը:
4. N°0529 լիցենզիայի պայմանների 32-րդ և 34-րդ կետերը շարադրել հետևյալ խմբագրությամբ.

«32. Լիցենզավորված անձը պարտավոր է մինչև լիցենզիայով սահմանված կառուցման ժամանակահատվածի ավարտը Հայաստանի Հանրապետության հանրային ծառայությունները կարգավորող հանձնաժողով ներկայացնել փոքր հիդրոէլեկտրակայանի կառուցման ավարտը հավաստող՝ հանձնաժողովի սահմանած կարգով պահանջվող փաստաթղթերը և սակագնի սահմանման հայտը՝ համաձայն էներգետիկայի բնագավառի գործունեության լիցենզավորման կարգի և շուկայի կանոնների:».

«34. Լիցենզիայի 6-րդ կետում նշված հզորության մասնակի տեղադրման դեպքում Լիցենզավորված անձն իրավունք ունի Հայաստանի Հանրապետության հանրային ծառայությունները կարգավորող հանձնաժողով ներկայացնել այդ մասով փոքր հիդրոէլեկտրակայանի կառուցման ավարտը հավաստող՝ հանձնաժողովի սահմանած կարգով պահանջվող փաստաթղթերը և սակագնի սահմանման հայտը՝

համաձայն էներգետիկայի բնագավառի գործունեության լիցենզավորման կարգի և շուկայի կանոնների:»:

5. «ԱՄԻՆՏԱՐ» սահմանափակ պատասխանատվությամբ ընկերությանը՝ ընդունել ի գիտություն, որ իրավասու է սույն որոշումն ուժի մեջ մտնելու պահից երկամսյա ժամկետում այն բողոքարկել Հայաստանի Հանրապետության հանրային ծառայությունները կարգավորող հանձնաժողով կամ Հայաստանի Հանրապետության վարչական դատարան:

6. Սույն որոշումն ուժի մեջ է մտնում 2017 թվականի հունիսի 25-ից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝



Ռ. ՆԱԶԱՐՅԱՆ

ք. Երևան
21 հունիսի 2017թ.